

FIS LIS POS

Fis Lis Pos, Zaj 1

Cov lus qhib tsab ntawv. 1 : 1 - 2.

1 1 Wb yog Paj Lug thiab Tis Mos
Tes, Yes Xus Pleev ob tug tub txib.
Wb sau ntawv tuaj rau cov ntshia hauv
Yes Xus Pleev, uas nyob Fis Lis Pos,
thiab rau cov txiv saib lub Koom Txoos,
thiab cov tub tsob hwb. 2 Thov kom peb
Txiv Tswv Ntuj, thiab Huab Tais Yes
Xus Pleev, pub txiaj ntsim thiab kev thaj
yeeb rau nej.

Ua Ntuj tsaug. 1 : 3 - 11.

3 Kuv nco txog nej thaum twg, mas kuv
ua kuv tus Tswv Ntuj tsaug thaum ntawd.
4 Kuv zoo siab thov Ntuj rau nej tsis
tseg, 5 vim kuv nco tias, txij thawj hnub
los txog tav no, nej tau nrog kuv tshaj lub
Moo Zoo. 6 Kuv paub tseeb tias, tus tau
pib ua hauj lwm nyob hauv nej, nws tau
ua ib txoj hauj lwm zoo kawg, thiab nws
yuav ua kom tiav, mus txog Yes Xus
Pleev lub Hnub Nyoog. 7 Tsim nyog
kuv yuav zoo siab rau nej, vim kuv puag
nej rau hauv kuv nruab siab. Tab yog
thaum saw hlau khi rawv kuv, los kuv
qhia lub Moo Zoo, mas nej nrog kuv
koom ib lub siab, thiab nrog kuv txais
Tswv Ntuj lub txiaj ntsim.
8 Tswv Ntuj ua tim khawv tau tias, kuv
hlub nej mos nyoos nyob hauv Yes Xus
Pleev lub siab. 9 Kuv thov Ntuj li no :
thov kom nej txoj kev nyiam Ntuj hlob
zuj zus, thiab nej paub zaj txuj ci tseeb,
kom nej txawj xav, 10 mas nej thiaj li
yuav pom tau qhov zoo tshaj, thiab yuav
ua neeg siab dawb siab huv, kom tsis
txhob muaj ib qho xyeej nyob hauv nej,
mus txog Leej Pleev lub Hnub Nyoog.
11 Nej yog ib co txiv ntoo siav hauv txoj

kev ncaj, uas Leej Pleev muab rau peb ris
kom Tswv Ntuj nto koob meej, thiab kom
sawv daws cav lus zoo txog Tswv Ntuj.

Paj Lug hais txog nws. 1 : 12 - 26.

12 Kwv tij, kuv xav kom nej paub tias,
zaum no, mas rooj plaub, uas lawv ua rau
kuv, tau pab lub Moo Zoo lawm.
13 Nyob hauv lub loog txiav txim, thiab
nyob tas qhov txhia chaw, kuv cov saw
hlau tau koob meej nyob hauv Leej Pleev.
14 Hos cov kwv tij coob leej, lawv lub
siab kuj loj tuaj nyob hauv Huab Tais,
yog vim cov saw hlau ntawd. Lawv tsis
ntshai, lawv haj yam muaj cuab kav tshaj
Lo Lus rau sawv daws hnov.
15 Hais qhov tseeb, mas muaj ib txhia
tshaj Lo Lus vim lawv khib, ces vim lawv
xav twv kom yeej. Tab sis, lwm cov, mas
yog lub siab ncaj ua kom lawv tshaj txog
Yes Xus. 16 Ntawm cov siab ncaj no,
mas yog txoj kev nyiam txhib lawv ua
hauj lwm : lawv paub tias, kuv tau txoj
hmoov txuag lub Moo Zoo nyob hauv cov
saw hlau.
17 Hais txog cov neeg khib, thiab cov
xav twv, mas lawv siv ib lub tswv yim
nkhaus los tshaj txog Leej Pleev. Lawv
lub siab tsis dawb, lawv xav tias, lawv ua
li ntawd, mas kuv cov saw hlau yuav
hnyav dua. 18 Xij peem ! Tab txawm
muaj tus ua zoo nraum daim tawv, los
muaj tus siab ncaj, mas tsuav tsoom sid
tau hnov tshaj txog Leej Pleev. Ces kuv
zoo siab lawm. 19 Kuv yuav zoo siab
mus li, vim kuv paub tias, tej xwm ntawd
yuav pab cawm kuv, vim nej thov Ntuj
rau kuv, thiab kuv muaj Yes Xus Pleev
lub Tswv Yim pab kuv. 20 Kuv tso siab
tas zog tias, yuav muaj li ntawd tiag : tsis

muaj dab tsı yuav ua tau kom kuv poob ntsej muag. Kuv yuav muaj lub siab ruaj mus li. Tab yog kuv ciaj los tuag, mas Leej Pleev yuav muaj hwj chim nyob hauv kuv lub cev.

21 Kuv saib Leej Pleev yog kuv txoj sia. Kuv saib txoj kev tuag yog ib yam paj tshab. 22 Tsis kav, yog kuv lub cev ua neej nyob ntxiv, nws tseem yuav ua ib yam hauj lwm txi txiv ; mas kuv tsis paub tias, kuv yuav xaiv txoj kev ua neej nyob ntxiv, los txoj kev tuag. 23 Kuv hnov ob lub siab ua xyem xyav muab kuv dua ua ob sab : ib lub siab xav mus nrog Leej Pleev nyob, qhov ntawd yog qhov kuv nyiam dua. 24 Tiam sis, yog kuv lub cev ua neej nyob ntxiv, mas yuav zoo dua rau nej. 25 Li ntawd, kuv tsis ua xyem xyav lawm : kuv paub tias, kuv yuav ua neej nyob ntxiv, kuv yuav nyob ze nej sawv daws, kuv yuav pab nej, kom nej ntseeg tob dua, thiab kom nej zoo siab ntseeg. 26 Ua li mas thaum kuv rov tuaj, nrog nej nyob, nej yuav rov muaj ntsej muag, nyob hauv Yes Xus Pleev.

Tawm tsam txuag kev ntseeg.

1 : 27 - 30.

27 Nej yuav coj ib lub neej kom tsim nyog Leej Pleev lub Moo Zoo, txawm tias kuv tuaj txog hauv nej, los kuv tseem nyob deb nej kuj xij, kuv yuav pom thiab yuav hnov tias nej koom ib lub tswv yim, koom siab koom ntsws tawm tsam pab txoj kev ntseeg txog lub Moo Zoo.

28 Nej tsis ntshai cov neeg sawv tiv nej. Nej yuav paub tias, cov neeg ntawd yeej yuav ploj, hos nej yuav txais kev cawm.

29 Tej ntawd tuaj ntawm Tswv Ntuj tuaj. Vim Ntuj tau pub lub txiaj ntsws rau nej kom nej ntseeg txog Leej Pleev, thiab kom nej raug txom nyem rau nws.

30 Vim nej ua li ntawd, mas nej tau tawm tsam ntaus ib ntsug rog, ib yam li nej tau pom kuv ua los txog tav no, thiab nej paub tias, nyem no, kuv tseem tawm tsam tiv ntsug rog ntawd.

Yuav sib haum xeeb, thiab yuav nyiam ua tus me. 2 : 1 - 11.

2 1 Kuv taij nej tsis tseg kom nej rov sib nplij nyob hauv Leej Pleev, sib nres nyob hauv txoj kev nyiam, sib koom nyob hauv Leej Ntuj Plig, kom nej muaj kev sib hlub thiab sib khuv leej.

2 Nej ua kom kuv txoj kev zoo siab puv phwj yaws : ua li mas nej yuav muaj tib lub siab xav, tib lub siab nyiam, tib tug plig, thiab tib lub tswv yim xwb. 3 Nej tsis txhob swb txoj kev ua ob peb lub siab, txhob swb lub koob meej cuav : nej nyias yuav saib nyias yog tus me dua cov, yuav saib luag tej loj dua nej. 4 Nej nyias txhob nrhiav yam zoo rau nyias ; yuav nrhiav yam zoo rau luag.

5 Nyob hauv nej, sawv daws yuav muaj tib lub tswv yim zoo li Yes Xus Pleev lub.

6 Yes Xus Pleev yog Tswv Ntuj, tiam sis nws tsis cia nws lub hwj chim Tswv Ntuj rau luag hawm : nws muab nws lub hwj chim hle.

7 Nws yeem ua ib tug qhev, nws yug los ua neeg xws li ib tsoom neeg. Luag pom nws tus yam ntxwv yog yam ntxwv tib neeg.

8 Nws txo nws qis : nws tuaj yeem mloog Ntuj lus mus txog qhov tuag, thiab tseem xaiv txoj kev tuag saum ntoo cuam.

9 Vim li ntawd, mas Tswv Ntuj thiab tsa Yes Xus ua ib tug loj nyob siab siab. Tswv Ntuj muab lub npe uas nyob siab dua lwm cov npe rau nws.

- 10 Li ntawd, tus twg hnov tuav txog
Yes Xus lub npe, tsis hais nyob
saum cov txheej ntuj, los nyob ntiaj
teb no, los nyob nruab yeeb, mas tus
ntawd cia li txhos caug hawm.
- 11 Txhua xeem lus yuav tsum cav tias
Yes Xus Pleev yog Huab Tais :
Leej Txiv Tswv Ntuj thiaj muaj koob
meej nto moo lug.
- Peb yuav muab siab rau nrhiav txoj
kev cawm neeg. 2 : 12 - 18.**
- 12 Kuv cov kwv tij zoo nyiam, los txog
tav no, nej tau mloog lus zoo kawg ; tsis
yog thaum kuv nrog nej nyob xwb, thaum
kuv nyob deb lawm, mas nej haj yam
yuav coj tus yam ntxwv mloog lus zoo.
Nej rau siab ntsos nrhiav txoj kev cawm
neeg : nej yuav txhawj tshee na tsam nej
tsis tau txais kev cawm. 13 Tswv Ntuj
nrog nej nyob, nws ua hauj lwm nyob
hauv nej ; nws txhib nej kom nej xav ua
zoo, thiab kom nej ua tau raws li tus nru
lus nws npaj rau nej.
- 14 Nej ua yam dej num twg los nej tsis
txhob yws, tsis txhob cav ncauj ; 15 kom
nej tau ua ib co neeg siab dawb siab huv,
tsis muaj chaw xyeej. Nej ua Tswv Ntuj
cov me nyuam tsis lo txhaum, nyob nruab
nrab ib tiam neeg siab nkhaus thiab xib
rau kev phem ; nej yuav ci li tej lub hnub
qub ci pom kev kaj lub ntiaj teb, nej yuav
cev Lo Lus pub txoj sia rau ntiaj teb neeg.
- 16 Yog nej ua li ntawd, mas nej npaj
kom thaum txog lub Hnub Nyoog Leej
Pleev rov los txog, kuv tau koob meej,
vim kuv tsis tau khiav dag, thiab tsis tau
nkim zog khwv. 17 Tab yog kuv cov
ntshav yuav tsum ntws tawm los ua ib co
txim txi Ntuj pab nej ntseeg, los kuv zoo
siab, vim kuv nrog nej zoo siab.
- 18 Ntawm nej, los nej kuj txaus siab
- thiab nrog kuv zoo siab.
- Tis Mos Tes thiab Es Pas Fos Dis
yuav mus Fis Lis Pos. 2 : 19 - 30.**
- 19 Kuv muaj chaw vam ntsoov nyob
hauv Huab Tais Yes Xus tias, tshuav tsis
ntev, kuv yuav xa Tis Mos Tes tuaj xyuas
nej, vim kuv xav hnov nej moo, kuv lub
siab thiaj nqig. 20 Kuv tsis muaj lwm tus
neeg uas yuav muaj lub siab ncaj, thiab
yuav xyiv fab npuab nej txoj kev ua neej.
- 21 Lwm cov, mas sawv daws nyias
nrhiav yam zoo rau nyias xwb, tsis nrhiav
yam zoo rau Yes Xus Pleev. 22 Hos Tis
Mos Tes, mas nej yeej paub lawm, nws
ua ntau yam txaus peb tso siab rau nws.
Thaum nws nrog kuv tsob hwb lub Moo
Zoo, mas nws ua xws li ib leeg tub ua rau
nws txiv. 23 Li ntawd, cia kuv hauj lwm
sib me ntsis thiab pom kev zoo nyob hauv
kuv tej hauj lwm tso, ces kuv yuav tso Tis
Mos Tes tuaj xyuas nej. 24 Kuv tso siab
lug nyob hauv Huab Tais tias, kuv yuav
tau tuaj xyuas nej thiab.
- 25 Kuv xav tias yuav tsum xa Es Pas Fos
Dis rov los tim nej ; tus kwv ntawd tau ua
kuv luag ua hauj lwm thiab ntaus rog.
Nej tau tso nws tuaj sawv nej chaw pab
kuv lub caij kuv tshaib nqhis.
- 26 Nws nco nej kawg, txij hnub nws
hnov tias nej paub nws muaj mob, mas
nws nyob tsis tswm ntawm no li lawm.
- 27 Nws mob hnyav kawg, nws twb yuav
luag tuag, qhov no muaj tseeb. Tab sis
Tswv Ntuj khuv leej nws, thiab khuv leej
kuv : mas Tswv Ntuj thiaj txuag kom kuv
tsis txhob raug ntau txoj kev tu siab.
- 28 Li ntawd, kuv xa nws rov qab los rau
nej. Thaum nej pom nws, nej yuav zoo
siab, thiab kuv txoj kev ntxhov siab yuav
yau mus. 29 Nej xyiv fab txais Es Pas
Fos Dis nyob hauv Huab Tais mog ; tej

tus neeg zoo li ntawd, mas nej yuav saib lawv muaj nqis. 30 Yog vim nws ua Leej Pleev cov hauj lwm, mas nws thiab yuav luag tuag : yog vim nws sawv nej chaw tuaj ua ib txog hauj lwm uas nej ua tsis tau, mas nws thiab yuav luag plum nws txoj sia.

Txoj tseem kev cawm neeg.

3 : 1 - 21 + 4 : 1.

3 1 Kuv cov kwv tij, qhov kawg no, mas nej nyob kaj siab lug hauv Huab Tais mog ! Rov qab ntuas nej zoo li qub, mas tsis yog ib qho nyuaj rau kuv. Tej lus ntuas no, kuj ua kom nej nyob nyab xeeb dua qub. 2 Nej ceev faj rau cov dev ! Nej ceev faj rau cov tub zog phem ! Nej ceev faj rau cov txais lub cim txiav cuav ! 3 Cov txais lub cim txiav yog peb, vim peb cev ib txoj hauj lwm teev Ntuj raws li Tswv Ntuj lub Tswv Yim. Peb tau lub hwj chim hauv Yes Xus Pleev, peb tsis tso siab rau lub cev nqaij. 4 Kuv muaj chaw tso siab rau lub cev nqaij ; yog muaj tej tus xav tias, lawv muaj chaw tso siab rau lub cev nqaij, mas kuv haj yam muaj chaw tso siab ! 5 Kuv nyuam qhuav yug tau puv yim tag kis, ces kuv txais lub cim txiav, kuv yog haiv neeg His Xas Lais, yog xeem Npes Yas Mis. Kuv yog ib tug Hes Nplaws, yug ntawm ib tug Hes Nplaws los. Hais txog Txoj Cai, mas kuv yog ib tug Fas Lis Xais. 6 Hos hais txog txoj kev kub siab, mas kuv yog ib tug tau hiam lub Koom Txoos. Hais txog txoj kev ncaj, uas Txoj Cai pub tau, mas kuv yog ib tug neeg tsis muaj chaw xyeej. 7 Tej yam zoo uas kuv tau txais no, mas kuv saib xws li yog tej yam tsis zoo, vim Leej Pleev.

8 Nyem no, kuv saib txhua yam tsis muaj nqis, vim kuv muab piv rau ib yam muaj

nqe tas nrho, yog txoj kev paub Yes Xus Pleev, kuv tus Huab Tais. Vim nws, mas kuv tau tso tas ib puas tsav yam pov tseg ; kuv saib tas puas tsav yam tsis muaj qab hau, vim kuv xav tau Leej Pleev. 9 Kuv xav kom Tswv Ntuj ntsib kuv nyob hauv Leej Pleev. Kuv tsis muaj ib txog kev ncaj ua kuv tug ; kuv tsis muaj txoj kev ncaj tuaj ntawm Txoj Cai tuaj. Kuv tsuas muaj txoj kev ncaj tuaj ntawm txoj kev ntseeg txog Leej Pleev thiab ntawm Tswv Ntuj tuaj xwb, yog txoj kev ncaj uas nrhau cag rau hauv txoj kev ntseeg.

10 Kuv xav paub Leej Pleev, xav paub nws txoj kev sawv rov los muaj zog npaum li cas, xav npuab nws nyob hauv nws txoj kev raug txom nyem, thiab kuv xav yoog nws tus piv txwv nyob hauv txoj kev tuag, 11 saib kuv puas yuav sawv tau hauv cov tub tuag rov los.

12 Kuv tsis hais tias, kuv twb mus txog chaw lawm, los kuv twb zoo txhij zoo txhua tas lawm. Kuv khiav ntxiv kom kuv tuav tau Leej Pleev, vim Yes Xus Pleev twb tuav tau kuv lawm.

13 Kvv tij, kuv tsis khav tias, kuv tuav tau Leej Pleev lawm. Kuv tsuas hais li no : kuv hnov qab tias, kuv tau khiav kev deb li cas lawm. 14 Kuv khoov cev ncaj qha khiav mus rau tom hauv ntej, kuv tso sas ntws kom mus txog chaw, vim kuv pom cov paj tshab, uas Tswv Ntuj hu peb mus txais nyob txheej saud, nyob hauv Yes Xus Pleev.

15 Peb sawv daws yog neeg hlob tiav lawm, mas peb yuav xav tswv yim zoo li ntawd. Yog nej xav tswv yim txawv, mas Tswv Ntuj yuav qhia nej, kom nej pom txog qhov ntawd. 16 Tab txawm peb khiav mus txog qhov twg, mas peb tsuas rhais ruam mus taug tib txog kev li qub.

17 Kvv tij sawv daws, nej yoog raws li kuv tus Iwj lwm mog. Nej ntsia ntsoov

cov neeg ua raws li peb tus piv txvw. 18 Kuv hais li ntawd rau nej, yog vim muaj ntau leej ua xws li lawv yog cov yeeb ncuab ntxub Yes Xus tus ntoo cuam. Thaum kuv hais qhov ntawd rau nej, mas kuv kua muag poob. 19 Cov neeg ntawd, lawv kawg yuav poob rau hauv tkoj kev tuag xwb. Lawv tus huab tais, yog lawv lub plab. Lawv muab tej Yam phim yuav txaj muag los khav. Lawv tsuas nyiam tej Yam nyob ntiaj teb no xwb. 20 Ntawm peb, mas peb lub tsheej nyob saum ntuj, vim peb tos Huab Tais Yes Xus Pleev yuav los cawm peb ; 21 nws yuav muab peb lub cev txom nyem no hloov ua ib lub cev muaj hwj chim, xws li nws lub. Nws ua li ntawd tau, vim nws muaj hwj huam tswj txhua tsav txhua Yam.

4 1 Kuv cov kwv tij zoo nyiam, nej yog kuv qhov chaw zoo siab, yog kuv lub koob meej. Nej nyob ruaj nreb hauv Huab Tais mog .

Paj Lug cov lus ntuaas kawg.
4 : 2 - 9.

2 Kuv thov ntuaas Es Vos Dias thiab Xws Nthws Kes, kom nkawd sib haum xeeb nyob hauv Huab Tais. 3 Thiab koj, koj yog tus tseem phooj ywg, koj pab ob tug poj niam ntawd, vim nkawd tau pab kuv ntuaas tsam xa lub Moo Zoo. Nkawd pab kuv, ib Yam li Khes Mees, thiab cov tau nrog kuv ua hauj lwm, uas lawv lub npe tshwm nyob hauv phau ntawv txheeb tkoj sia. 4 Nej yuav zoo siab mus li nyob hauv Huab Tais. Kuv rov hais dua tias nej zoo siab tiag mog !

5 nej yuav ua kom sawv daws paub tias, nej txawj yuav luag siab, vim Huab Tais los txog ze lawm. 6 Nej tsis txhob txhawj dab tsi. Thaum nej thov Ntuj,

thiab nej teev Ntuj, mas nej kuj yuav ua Ntuj tsaug. Thiab tej Yam nej xav tau, nej yuav hais rau Tswv Ntuj paub.

7 Tswv Ntuj tkoj kev thaj yeeb zoo tshaj qhov yus xav tau : nws tkoj kev thaj yeeb yuav txuag nej lub siab thiab nej lub tswv yim kom nyob hauv Yes Xus Pleev.

8 Kwv tij sawv daws, tej Yam muaj tsim, tej Yam ncaj, tej Yam huv, tej Yam Zoo nyiam, tej Yam tsim nyog hwm, tas txhia Yam Zoo uas neeg ua thiab neeg cav txog, mas nej yuav ntshaw tas zog. 9 Txhua Yam nej tau kawm ntawm kuv, thiab nej tau tais, los nej hnov ntawm kuv, thiab nej pom nyob hauv kuv, mas nej yuav xyaum coj tas huv tib si. Ces tus Tswv Ntuj pub kev thaj yeeb yuav nrog nej nyob.

Paj Lug ua cov Fis Lis Pos tsaug.
4 : 10 - 20.

10 Kuv pom nej rov xyiv fab pab kuv, mas kuv zoo siab hauv Huab Tais : nej lub siab yeej xav pab kuv, tab sis, tau ntev los, nej nrhiav tsis tau ib txog kev pab kuv.

11 Kuv hais li no, kuj tsis yog vim kuv tkoj kev tshaib nqhis ; vim tias, kuv tau xyaum ua neeg txaus siab rau Yam tsawg uas kuv muaj. 12 Kuv txawj yoo mov, ib Yam li kuv txawj noj kom tsau thaum muaj txhiam xws txaus noj seem noj so. Tsis hais thaum twg, kuv tau xyaum yoog lub caij muaj noj muaj haus ib Yam li yoog lub caij tshaib nqhis, kuv yoog tkoj kev nplua nuj, ib Yam li yoog tkoj kev pluag. 13 Kuv ua tau tas puas tsav Yam nyob hauv tus ua kom kuv muaj zog.

14 Tab sis, thaum kuv raug kev txom nyem, nej tau pab kuv, mas nej tau ua zoo kawg.

15 Cov Fis Lis Pos, nej yeej paub tias,

thaum lub Moo Zoo nyuam qhuav tuaj txog, kuv tso Mas Xes Dos Nias tseg, tsis muaj ib lub Koom Txoos xa nyiaj txiag tuaj pab kuv, tsuas muaj nej xwb. 16 Thaum kuv nyuam qhuav tuaj txog Tes Xas Los Nis, nej tau xa ob zaug, nej xa ntau yam zoo tuaj rau kuv siv. 17 Kuv tsis nrhiav paj tshab : kuv tsuas xav kom nej txi ib lub txiv zoo uas yuav hlob zuj zus.

18 Tam sis no, kuv muaj txhij muaj txhua, txaus kuv siv, tseem muaj ntau dua kuv tej chaw siv. Txij thaum Es Pas Fos Dis muab nej cov paj tshab rau kuv lawm, mas kuv muaj ntau yam dhau : nej cov paj tshab yog zoo li ib co tshuaj tsw qab, thiab ib thaj txi Ntuj uas Tswv Ntuj txais, thiab xis nws siab. 19 Kuv tus Tswv Ntuj pom tias, nej yuav tsum muaj dab tsi, ces nws thiaj pub tej ntawd rau nej,

nws yuav pauj qhov nej tau pub rau kuv, vim nws nplua nuj, thiab nws siab dav nyob hauv Yes Xus Pleev. 20 Tus Tswv Ntuj no yog peb Leej Txiv, nws muaj koob meej nto moo mus txog txhiab niag tim puas xyoo. Ua li.

Xaus tsab ntawv. 4 : 21 - 23.

21 Nej xa peb cov lus hmov tshua mus rau cov ntshiab hauv Yes Xus Pleev huv tib si. Cov kwv tij nrog kuv nyob, lawv sawv daws xa lawv cov lus hmov tshua tuaj rau nej. 22 Cov ntshiab kuj xa lawv cov lus hmov tshua tuaj rau nej. Cov nyob hauv Xes Ntxas tsev, sawv daws xa lawv cov lus hmov tshua tuaj.

23 Huab Tais Yes Xus Pleev lub txiaj ntsim nrog nej tus ntsuj plig nyob !